

ENỌ CHRIST UBỌŃ OTO KE UKUT

Mme Hebrew 2:1-18.

ỌYỌHỌ UKPEP-ŃKPO 433

Eke Mkparawa

IKỌ IBUOT: “Koro owo ekededi eke anamde se Ete Mi emi odude ke Heaven amade, enye edi eyen-eka Mi eren ye eyen-eka Mi ańwan, ye eka Mi” (Matthew 12:50).

Paul Owo-mbet ọtọńọ ntak etiń abańa mme angel ke ukpep-ńkpọ emi. Enye emen owut nte Jesus okponde akan mme angel ye nte inyene nditọ Abasi emi efakde edinyuń okponde akan se ededi eke mme angel enyenede.

Abasi ama ọnọ Jesus odudu ndikara kpukpru ńkpọ ke ererimbot. “Afo omonim kpukpru ńkpọ ke idak ukot esie” (Mme Hebrew 2:8). Ndien nso idi ntak emi Jesus ekedide ke ererimbot onyuuń ayak mme owo ekọń Enye ke krọs? Enye ama ọdọhọ mbet esie ete, “Emi esin Ete ama Mi, koro Ami nyakde uwem Mi nduok, man ńkpọtọńọ ntak mbọ nda. Owo baba kiet ibọhọ Mi uwem, edi Ami ke Idem Mi nyak uwem Mi nduok” (John 10:17, 18). Ekedidi ata akpan ńkpọ Enye ndikpa ke ibuot nnyin nyuuń ńkpe ekọm urua ufak owo. Koro Jesus okonyimede ndikpa nno nnyin, nnyin inyeneke ndibọ ufen ke ntak idiok-ńkpọ, edieke ituade mkpọfiok inyuuń ibeńede Jesus efen ọnọ nnyin.

Edidem Ndidem

Ke utit mme eyo emi ama edisim, Jesus edida ukara, Enye eyesuhọre kpukpru ndidem ye mme andikara ke ufik ndien Enye eyekara ererimbot ke edinen ido. Ndien kpukpru owo emi ekenamde akpanikọ enọ Enye eyekara ye Enye. Baba idiok owo kiet me odudu ekim idikemeke ndińwana ye Jesus. Enye eyekara mbon ńkop item ke ima, edi ama edi mbon nsọń-ibuot Enye eyekara mmọ ke esań ukwak. Eyemen isuńi efep ke isọń ndien owo eyefiak enyene odudu ndikara kpukpru ndiọi unam.

Mme angel ema etiene ebuana ke ndinọ Ibet ke obot Sinai. Ibet oro ama ọsọń ke utọ usuń eke ekesinọde kpukpru mme andidue ufen. Ufen ama okpon eti-eti. Ekeme ndiwot nditọ emi eńwanade ye mme ete mmọ. ndinam utom ke usen Ibet mme Jew ọkọwọrọ mkpa. Edieke ufen ọkosọńde eti-eti ke idak Ibet ese ete ufen edikpon didie ke emana mfọn emi, edieke isinde ndinim mme ewuhọ Jesus emi ekekpede akwa ekọm urua erinyańa nnyin!

Idihe mbon nsọń-ibuot ikpọń edibọ ufen, edi edisin ndinam utom Ọbọń eyeda nsinsi ufen edi. Nduok, owo odu eti uwem ye mbọhọiduń ye mme ufan esie, inyuuń inamke mmọ idiok; edi edieke enye mimanake obufa nte ńwed Abasi ekpepde, enye eyetak ke nsinsi.

Erinyańa emi okpon ke utọ usuń eke kpukpru mme anditiń nitń-nnim ikọ eketińde ńkpọ ebańa enye. Ama odu mme angel ke udọń ndifiok ńkpọ mbańa. Jesus akpasańa didie edifak owo? Enye ama awa idem ndikpe ekọm-urua ke ndiduok Iyip Esie man osio isop idiok-ńkpọ nnyin. Nte ikpenaha ikọm Jesus ke se Enye akanamde? Enye akanam emi koro Enye akamade nnyin ke adańa emi nnyin isuk idide mme idiok owo kańa. Enye ama onyime ndikpa nno mme asua Esie.

Ndikwọrọ Eti-mbuk

Jesus ke idem Esie ama asuan etop erinyańa emi ke ini Enye okodude ke ererimbot. Enye ọkọkwọrọ ete: “Mbufo enyene nditọńọ ntak mmana” (John 3:7). Enye ọkọdọhọ ete: “Etiene Mi, kpukpru mbufo emi ekpade mba enyuuń ebiomde edidobi mbiomo, ndien Ami nyeno mbufo nduok-odudu” (Matthew 11:28). Ini kiet efen Enye ọdọhọ ete; “Mbufo ekabare esit enyuuń enim gospel ke akpanikọ” (Mark 1:15). Mbemiso Enye ọdọk ke Heaven Enye ama ọnọ mme anditiene Enye item ete ekwọrọ Eti-mbuk: “Eka ke ofuri ererimbot ekekwọrọ gospel enọ kpukpru owo. Owo eke enimde ke akpanikọ onyuuń anade baptism, eyenyańa enye; edi enye eke etrede ndinim ke akpanikọ, ikpe eyebiom enye” (Mark 16:15,16). Mme Isuń-utom Christ ye ediwak mbet eken ema ekop uyo enyuuń eduk ke kpukpru ebiet ekwọrọ Ikọ Abasi, “Ọbọń onyuuń anam utom ye mmọ, onyuuń ada mme idiọńo eke esańade ye erikwọrọ ọsọńọ ikọ mmọ” (Mark 16:20). Ndien, “Nnyin idinam didie ibọhọ, edieke nnyin isinde erinyańa eke okponde ntem?” (Mme Hebrew 2:3).

Ekpři Akan Mme Angel

Ke etiñde eno nnyin nte Jesus okponde, Paul odoho ete ke ema enam Enye ekpři esisit akan mme angel. Oro eketibe didie? Kpukpru mme angel ke Heaven etuak ibuot enyuñ ekpono Enye. Baba owo mmọ kiet ikodotke ndikpa nno anam idiok. Jesus ama osuhore akan mme angel koro Enye akakabarede edi owo onyuñ okut ndutuhọ mkpa, emi nko ekedi ke ekpři ini.

Edieke Jesus ekpekede erimbot ke uduot angel, Enye ikpekemeke ndikpa. Mme angel ke ntak emi ikemeke ndikpa. Jesus ekedi nte “mkpasip emi otode Abraham,” ukem nte owo. Enye akamana oduk ke erimbot, okori ke Nazareth, esibre mbre ye nditowon anam utom ye Ete Esie; ndien ke ini Enye ama okokpon, Enye ototo ndikworo Iko Abasi. Enye ama okop tuep ye bioti ke ikpokidem emi, oruk ye ata mme ufan esie, esak Enye nsahi, inyuñ inimke Enye ke akpaniko, oro edi mfuho ke esit; ndien ke ini Enye okotoke ke kros, Ete Esie ama akabare iso okpon Enye, Jesus ofiori, “Abasi Mi, Abasi Mi, nsinam Afo okotoke Mi?” oro ekedi mfuho ke spirit. Enye akasana ebe ke akwa ukut ye ubiak man oto do Enye ekpedi “asiak-usuñ erinyaña mmọ,” Ada usuñ kpukpru mmọ emi eyomde ndika Heaven. Enye ama ototoke ama, edi Enye okotoke mme ufen oro man nnyin ikponim ite Enye ototoke se idide unana ye mfina nnyin. Edi Enye akpa ndibiom ufen idiok-nkpo, “man ke mfon Abasi Enye akpatabi mkpa ke ibuot kpukpru owo” (Mme Hebrew 2:9). Enye akanam kpukpru emi ono fi ye ami. Nnyin ikpema Enye didie!

Ayara Anyanya Ubon

Mme angel ke Heaven eno Jesus ubon ke emi Enye akawade Idem Esie ke mkpa. Ke nkukut John ke isuo Patmos Enye ama okut udim mme angel “thousand duop ke itie thousand duop ye mme thousand ke itie thousand; mmọ enyuñ edoho ke okotoso uyo, ete, “Eyen-eroti emi ekewotde omodot ndibọ odudu, ye inyene ye ifiok, ye ukeme, ye ukpono, ye ubon, ye eridioti.” Ke akande oro, kpukpru nkpo emi ekebotde, emi edude ke Heaven, ye ke isoti, ye ke idak isoti, ye ke inyani, ye kpukpru nkpo eke edude mmọ ke esit, nte edotoke ete, Yak eridioti, ye ukpono, ye ubon, ye erikara ofuri ekondo, inyene Enye emi etiede ke ebekpo, enyuñ inyene Eyen-eroti ke nsinsi-nsinsi” (Eriyarare 5:11-13). Edieke nnyin imade Obon ke ofuri esit, inyuñ iduñ ke Enye mi, usen kiet iyebuana ke akwa ikwo nditoro Jesus, Andifak nnyin.

Ubon Jesus

Jesus oyom ikoto Esie edioti Enye. Enye enehere ama nnyin tutu okot nnyin, “nditọ-ete.” Enye oyom nnyin idi kiet ke ubon Esie. Ini kiet Jesus odoho ete: “Owo ekededi eke anamde se Ete Mi emi odude ke Heaven amade, enye edi eyen-eka Mi eren ye eyen-eka Mi anwan, ye eka Mi” (Matthew 12:50). Ekot nnyin nko nditọ Esie koro edi Abasi obon nnyin, “Edi edieke nnyin idide nditọ, imonyuñ inyene udeme ke se enimde eno nditọ; imenyene udeme ke se Abasi onimde; imasana ye Christ inyene udeme: koro ana nte nnyin ima ikut ndutuhọ ye Enye, iyenyuñ ida ubon ye Enye” (Nwed Mbon Rome 8:17).

Man otodo idu ke ubon Jesus inaha ete ibo erinyaña ikpoti, edi inyene ndinam nnyin isana nko. Jesus edi Enye emi anamde nnyin isana, ndien “koro Andinam owo asana, ye mmọ emi Enye anamde esana eto kiet: ntre ke inamke Jesus but ndikot mmọ nditọ-ete” (Mme Hebrew 2:11). Abasi edi Edisana, ndien edieke nnyin idide kiet ke ubon Esie, ana ete nnyin nde isana. Ke ema ekenyana nnyin, enyuñ efen ke mme idiok-nkpo nnyin, ana iyak idem nnyin ntotoke-ntotoke inyuñ inim Abasi ke akpaniko ite Enye emekeme ndinam nnyin isim utibe ifiok edinam asana. Ke ini Enye ototoke nnyin mfon emi, Enye anam nnyin ifiok ke eyet nnyin isana ke Iyip Jesus.

Ke ubon Abasi, mme Anditiene-Christ emi emanade obufa enyuñ ebode edinam asana ekop inem ndibuana kiet ye eken ke ima Abasi, nte emi ete anamde ye nditọ esie. Enye idikpote, idinyuñ ifreke udeme Esie.

MME MBUME

- 1 Nso idi ntak emi akanade nte Jesus akpa?
- 2 Ini ewe ke Jesus edidi Edidem Ndidem?
- 3 Ubierikpe ke idak Ibet ọkọsọn adaña didie?
- 4 Nso ikedi ndusuk mme etop emi Jesus ọkọnọde ke ini Enye okodude ke isọn?
- 5 Ke nso utọ usuñ ke ekenam Jesus ekpri esisit akan mme angel?
- 6 Siak mme nsio-nsio usuñ emi Jesus ọkọbọde ufen.
- 7 Nso idi ntak emi thousand mme angel ekekwođe ikwo emi, “Eyen-erọn omodot”?
- 8 Anie edi “eyen eka eren,” “eyen eka-añwan,” mme “eka” Jesus?